



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

CLX. Markgraf Friedrich versichert denen von Quitzow, daß ihnen an den verheißenen Lehngütern nicht zum Nachtheil gereiche, wenn die Gänse zu Putlitz ihnen die Güter Dupow, Kleinow und Uenze ...

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

zu einem Inwieser vnsern liebim getruwen Iorenczen von quiczow. Zu orkunde mit vnserm anhangenden Ingesigel uersigelt vnd gebin zu wilfnag, Nach. cristi vnsern heren gebort vierzehnhunderi iar darnach Im XL^{ten} Jare, Am sonnabend nach sant Michelstag.

Nach dem Churmärk. Lehnß-Copial-Buche XVII. fol. 49.

CLIX. Des Markgrafen Friedrichs Lehnbrief für die von Königsmark über das Schloß zu Klein-Luben, das Dorf Berlitt und verschiedene Besitzungen, vom Jahre 1440.

Wir Fridrich, von gots gnaden Marggraf zu Brandborg etc., Bekennen — das wir vnsern liebem getruwen, Clawffe, Hunre, kirstan, heinnriche, Clawffe vnd hannse, alle geheiffene von konnigsmarck, diese hiernach geschriebene guter, Jerlich czinße vnd rennte zu rechtem mannehen verlegenn habenn, mit namen das dorf Berlitt mit alleme rechte nichts vßgenommen, Item eine wuste veltmarcke, dy rodane gnant, mit alleme rechten, In dem dorffe zu Refelde drittelhalbene wispel vnd dry scheffel allerley kornneß Eilff schillinge nun hunre, In deme dorff zu rube III huben VI scheffel habern anderthalben scheffel roggen vnd zehn schillinge penninge, Item vñ der veltmarck zu kiricz funf habenn landes, Im dorffe zu damelake acht hubenn lannedes vnd einn vrtel von einner huben, zu Barentyn eilff huben lannedes, Im dorff zu dannenwalde achtzehn scheffel habern III wispel roggen sechs schillingen pfennig vnd III hunre, Im dorffe zur Aldenwendemarck sechs schillinge geldes III wispel habern II wispel roggen vnd gersten, Item zur luttkene luben das Slos vnd wonunge mite aller gerechtikeit vnd XXIIII marg lubischen geldes vnd Im dorff zu grossen luben XIIII marg lubischen geldes, mit fulchen zugehorungen, frieheiten vnde gerechtikeiden, als die guter alle von Iren elderen seligen an sy kommen sin. Vnd wier verliehen den obgnanten Clawffe, hunre, kirstan, heinnriche, Clawffe vnde hannse von konnigsmarck, die obgeschriebenen guter, jerlich zinße vnd Rente zu rechtem mannehen, in crafft dies briefs also, sin sy von alder damite gefammelt, das sie gefammelt blihen: weren sy aber nicht gefammelt, so haben wier In keinne famenung daran gethan — Geben zu Tangermunde, nach gots gebort XIII^{ten} jar darnach Im XL^{ten} Jar, an sanct Peter vnd Pauwelstag, der heiligen zwelf boten.

R. dominus per se et heine pful.

Nach dem Churmärk. Lehnß-Copial-Buche XIX. fol. 130.

CLX. Markgraf Friedrich versichert denen von Quiczow, daß ihnen an den verheiffenen Lehnsgütern nicht zum Nachtheil gereiche, wenn die Gänse zu Putlitz ihnen die Güter Dupow, Kleinow und Henze gerichtlich abgewinnen, im Jahre 1440.

Wir fridrich der Junge, von gots gnaden Marggrau zu Brandemborg etc., Bekennen offentlich mit diesem briue vor allermeniglich, So als denn vnser lieber herre vnd vater vnserm liebem getruwen Diteriche vnd kunen van quiczow gebrudern uerschreiben habenn sal, nach lute Irs briueß, wenn vns funfezig stücke geldes los werden, das sie die van vns zum mannehen haben vnd besitzezen sollin, als das ir brief ußwieset. So haben sich die gnannten quiczowen mit

heinrich karsteden huffrawenn vmb Ire lipgedinge vertragen vnd ir gnuge davor gemacht, das sie in den dorffern duppow, Oleynow vnd vneze van vns zu lipgedinge hatte, an demselbin gute denn die gehnse von pottlist meinen anspruch zu haben. Geschehes nu, das die genlse nach der gnannten frowen tode solich lipgedinge mit rechte abdrungen; so sal In das an den funfzig stücke geldeis, Inn wilchermaß Ir brief uswietet, zu keinem schadenn komen, an arg vnd an alles geuerde. Zu orkunde mit vnserm anhangenden Ingesigel versigelt. Geben zu Tangermunde, Nach gots gebort vierzehnhundert Jar vnd darnach Im XLten Jare, Am Sonnabend nach vnser lieben frowentag natiuitatis.

R. Er Bernt (von der Schulenborg?) et Heine pfuel.

Nach dem Churmärk. Lehn-Copial-Buche XVII. fol. 47.

CLXI. Markgraf Friedrich ertheilt denen von Quisow die gesammte Hand an ihren Lehnen, im Jahre 1441.

Wir friderich, von gots gnaden Marggraff czu Brandenburg etc. Bekennen etc. — das wir mit wolbedachtem mute vnd rechter wissen vnserm lieben getruwen, mit namen lorenczen von qwitzow, wonhaffig czu qwitzezuel, ditterichen vnd Cunen. gebrudern czu lenczen vnd klieczke wonhaffig, Titerichs von Qwitzows seligen Sonen, hanfen vnd Curde, Clawfes von qwitzows seligen Sonen, vnd hanse von qwitzezow vnd seinem bruder, Ywans von qwitzow seligen Sonen, czu der Grube wonhaffig, alle Ire veterlich erbe vnd guter miteinander in gelampfte hand geliehen haben, vnd verleihen In auch die mit craft dieses brifs, Also das sie die mit einander In gesampter hant von vns vnsern erben vnd nachkomen marggraffen czu Brandenburg haben, halten vnd besitzen sollen, alle gesampter hand recht ist, on alles geuerde. Gezewge dieses brifs sint disse hernachgeschriben vnser Rete vnd lieben getruwen heine pful, vnser hauptman czu Oderzberge, Junge Otten von Slywen vnd Jorge von waldenfels, vnser kammermeister. Czu vrkund dieses brifs mit vnserm anhangenden Ingesigel versigelt vnd geben czu Berlin nach gots gebort vierzehnhundert Jare vnd darnach Im ein vnd vierzigsten Jare, am Sonabend nach vnser liben frawen tag visitatonis. De mandato domini Marchionis heinez kracht prothonotarius.

Nach dem Churmärk. Lehn-Copialbuche XX, 64 und XI, 38.

CLXII. Notizen über Beleihung von Bürgern zu Perleberg und Kyritz durch Markgrafen Friedrich, vom Jahre 1441.

Nach gots gebort XIII^e. Jar vnd darnach Im XLI. Jare, czu perleberg, am Sonnabend sandt Johannes Babtisten tag, hatt enphangen czu liehen peter Dobberczin, borger czu perleberg, disse hirnachgeschriben guter vnd hatt dar vber eynen briff nomen, mit namen Im dorffe Steynberg vber herman hildebrans hoff vnd huben I wispel roggem VI schilling lubischer pfenninge czu czinse, vber Michel Nyebur eynen halben wispel roggem drey schilling czu czinse. Item czu Gulow vff eyne wordt, dar garnatz vff wont, II scheffel gersten vnd vff eyner wordt, dar Claws Berndes vff wont, III schilling lubischer pfenig, als das alles vormals hans dannefelt seliger von vns czu lehen gehatt